

Nr. 138 / 10 Guðmundur í Nesi RE 13**Skipverji slasast á fæti**

Skipaskr.nr. 2626
Smíðaður: Noregi 2000, stál
Stærð: 1315 brl. 2464 bt.
Mesta lengd: 66 m Skráð lengd: 59,43 m
Breidd: 14 m Dýpt: 8,67 m
Vél: Wärtsilä 5520 kW, 2000
Fjöldi skipverja: 18



Guðmundur í Nesi ©Hilmar Snorrason

Gögn:
Gögn RNS
Dagbók skips

Lokaskýrsla afgreidd á fundi 8. apríl 2011 af Inga Tryggvasyni, Hilmari Snorrasyni, Pálma K. Jónssyni og Jóhanni Ársælssyni

Tilgangur þessarar skýrslu er ekki að skipta sök eða ábyrgð og skal henni ekki beitt sem sönnunargagn í opinberu máli.

Atvikalýsing:

Þann 5. október 2010 var Guðmundur í Nesi RE 13 að togveiðum á Hampiðjutorgi djúpt vestur af Bjargtöngum. Veður: NA 22-24 m/sek og sjólítið.

Búið var að taka trollið og losa frá pokanum. Annar pokamaðurinn var á leið út af trollþilfarinu bakborðsmegin þegar pokinn lagðist á annan fót hans og klemmdi hann fastan við gangalunninguna. Pokanum var velt frá lunningunni og þá losnaði fóturinn sem var bólginn og marinn en ekki talinn brotinn.

Seinna var haldið til hafnar með slasaða og við læknisskoðun kom í ljós að sköflungurinn var sprunginn.

Við rannsókn kom fram:

- að slasaði sagði að hann hafi verið við þetta starf í áratugi og mörg hundruð sinnum losað frá pokanum. Hann hafi aldrei orðið var við að svona hætta skapaðist hvað þá að einhver meiddist;
- að slasaði var yfirleitt í bakborðsgangi við trolltöku og var vanur að fara þessa leið;
- að skipstjórinn sagðist hafa séð þegar pokamaðurinn bakborðsmegin var að fara út af þilfarinu. Hann taldi einsýnt að pokinn gæti lagst á hann enda var ekki nema 20 til 30 sm bil við lunninguna og bakborðsslagsíða á skipinu undan sterkum hliðarvindi. Hann hafi því beygt skipinu til að freista þess að upphefja slagsíðuna þar sem pokinn lá mun meira bakborðsmegin á þilfarinu;

- að aflinn í pokanum var um sex tonn;
- að skipverjar á þilfari brugðu pokagilsinum fyrir slá og veltu pokanum til stjórnborða.

Nefndarálit:

Orsök óhappsins var vanmat slasaða á aðstæðum.